



Upplýsingar um aðgengi að ferli- og bráðapjónusta geðsviðs LSH fyrir fagfólk heilsugæslu

Bráðamóttaka geðsviðs

Bráðamóttaka geðsviðs er opin öllum þeim sem eiga við bráða geðræna erfiðleika að stríða. Á móttökunni fer fram fyrsta greining. Ef ekki er þörf á innlögn er tilvísun send til göngudeildar geðsviðs, göngudeildar fíknimeðferðar eða til úrræða utan stofnunarinnar sé ástæða til. Ekki þarf að panta tíma á bráðamóttöku geðsviðs.

Bráðamóttaka geðsviðs er á 1. hæð í geðdeildarbyggingu við Hringbraut. Bráðamóttakan er opin kl. 12:00–19:00 virka daga og kl. 13:00–17:00 um helgar og alla helgidaga. Síminn er 543-4050 og netfangið gongudeildgh@landspitali.is.

Hjúkrunarfræðingur á bráðamóttöku geðsviðs veitir símaráðgjöf á opnunartíma móttökunnar varðandi aðgang að þjónustunni og annað er lítur að bráðameðferð (s. 543-4050).

Utan opnunartíma bráðamóttöku geðsviðs geta lækningar, lögregla og fulltrúar sjúklingasamtaka s.s. Geðhjálpur haft beint samband við vaktlækni á geðsviði um skiptiborð LSH (s. 543-1000). Einnig geta sjúklingar í neyðartilvikum leitað til bráðamóttökunnar í Fossvogi.

Frekari upplýsingar um [bráðamóttöku geðsviðs](#) eru á heimasíðu LSH.

Almenn göngudeild

Göngudeildin er staðsett á 1. hæð í geðdeildarbyggingu við Hringbraut og er opin á dagvinnutíma. Síminn er 543-4050 og netfangið gongudeildgh@landspitali.is. Deildin sinnir einstaklingum sem eru 18 ára og eldri.

Á göngudeildinni starfa lækningar, hjúkrunarfræðingar, félagsráðgjafar og sálfræðingar. Meðferð í göngudeild er að öllu jöfnu skammtímameðferð (1-3 mánuðir). Í sumum tilvikum meta meðferðaraðilar göngudeildar að þörf sé á lengri meðferð eða nota þurfi aðra meðferðarnálgun. Málinu er þá vísað áfram, t.d. á dagdeild [Hvítabandsins](#), í fíknimeðferð eða önnur þau úrræði sem við eiga.

Á göngudeildinni starfar göngudeildarteymi sem tekur við tilvísunum. Tilvísanir geta komið frá bráðamóttöku geðsviðs, heilsugæslu og öðrum fagaðilum utan og innan sjúkrahúss. Ekki er hægt að panta tíma beint hjá teyminu án tilvísunar en ef málið þolir enga bið er einstaklingum bent á að leita til bráðamóttöku geðsviðs.

Tilvísanir skulu berast með bréfi eða faxi (543 -4813) til yfirlæknis á deild 31 E, Landspítala. Hægt er að nálgast [tilvísunarblað](#) á heimasíðu spítalans.

Bið eftir úrræðum er mislöng en er yfirleitt 2-3 mánuðir. Sá sem sendir tilvísun til göngudeildar geðsviðs þarf því hugsanlega að nota önnur úrræði fram að þeim tíma. Að meðferð lokinni er sjúklingum að jafnaði vísað til eftirfylgdar í heilsugæslu.

Vinnuhópur á vegum velferðarráðherra hefur lagt til að umsjón með frumgreiningu ADHD hjá fullorðnum og eftirlit með meðferð verði á ferli- og bráðapjónustu geðsviðs. Ekki hefur verið gengið frá samningum þess efnis og því getur ferli- og bráðapjónusta geðsviðs ekki sinnt þessum málaflokki að svo stöddu. Landlæknir í samstarfi við framkvæmdastjóra geðsviðs og formann Geðlæknafélags Íslands vinna að nánari útfærslu og lausn þessa máls.

Frekari upplýsingar um [göngudeildina](#) eru á heimasíðu LSH.

Dag- og göngudeild átröskunar

Dag- og göngudeild átröskunar er staðsett á Skólavörðustíg 37 og er opnunartíminn frá 8:30-16:00 virka daga. Síminn er 543-4600 og netfangið atroskun@landspitali.is. Deildin sinnir einstaklingum sem eru 18 ára og eldri.

Deildin sinnir greiningu og meðferð við átröskunum og öðrum meðkvillum. Meðferð fer fram á göngudeild eða á dagdeild eftir því sem við á. Á deildinni starfa læknir, hjúkrunarfræðingur, næringarfræðingur, sálfræðingar, félagsráðgjafi, listmeðferðarfræðingur og stuðningsfulltrúi. Deildin sinnir einnig ráðgjöf og fræðslu til annarra deilda LSH ásamt símaráðgjöf til aðila utan LSH. Boðið er upp á fræðslu og stuðning við aðstandendur.

Til að komast í meðferð á dag- og göngudeild átraskana þarf tilvísun frá fagfólki t.d. heimilislækni, námsráðgjafa eða öðrum meðferðaraðilum. [Tilvísunarblað](#) fyrir fagfólk er hægt að nálgast á heimasíðu Landspítala.

Hægt er að símsenda tilvísunina í faxnúmerið 543-4621 eða senda hana á póstfang átröskunarteymisins. Ekki er tekið við tilvísunum í gegnum tölvupóst. Reynt er að sinna öllum tilvísunum eins fljótt og unnt er en biðtími eftir tíma getur verið frá 2-4 vikur. Ef um bráðatilvik er að ræða er fólki bent á að leita til bráðapjónustu geðsviðs við Hringbraut.

Frekari upplýsingar um [dag- og göngudeild átröskunar](#) eru á heimasíðu LSH.

Reykjavík, 07.02.11.

Halldóra Ólafsdóttir, yfirlæknir

Guðrún Úlfhildur Grímsdóttir, deildarstjóri